

quibus instituta sunt, pia officia exercenda possidentium, (non tamen per Cardinales predictos, quia ipsi pro sustinenda tanta dignitate gravissimas impensas, & labores Reipublice Christianae causa continuo subire coguntur, obtentorum, necnon Sanctae Mariae Theutonicorum, S. Lazari de Alto Passu, Templi Dominici, & aliarum, non tamen Hospitalis S. Joannis Hierosolymitani in Italia universa consistentium, & etiam duodecim Congregationum, quae cum Camera praedicta de subsidio ordinario concordarunt,) & insuper omnium Collegiorum possidentium bona stabilia fructifera ecclesiastica per viam unionis, aggregationis, aut alio quovis titulo, Monasteriorum, Prioratuum, & Beneficiorum ecclesiasticorum quovis nomine nuncupatorum, secundum verum, & realem annum valorem fructuum, reddituum, proventuum, & aliorum praemissorum: necnon etiam indicimus, & imponimus ad idem tempus similem annuam solutionem duorum pro singulo centenario omnium, & quarumcumque pensionum annuarum super fructibus, redditibus, proventibus, juribus, obventionibus, & emolumentis, ac distributionibus in favorem quorumcumque, etiam duodecim Congregationibus praedictarum assignatarum, & assignandarum percipiendam, exigendam, & levandam ab omnibus, & quibuscumque Episcopis, Archiepiscopis, & Primatibus, Patriarchis, & aliis Ecclesiarum Praelatis, ac ceteris cujuscumque dignitatis, gradus, status, & conditionis personis (praedictis Cardinalibus, & Hospitalis S. Joanni Hierosolymitani Militibus dumtaxat exceptis) praedicta quocumque jure, & titulo obtinentibus, & obtenturis, necnon Oeconomis, & Administratoribus perpetuis, & temporalibus, usufructuariis, ac fructus, pensiones, res, & alia hujusmodi jura ex quacumque causa sibi apostolica auctoritate in toto, vel in parte reservata habentibus, & habituris, secularibus, & regularibus Ordinum, Congregationum, Militiarum, & Hospitalium (non tamen S. Joannis praedictorum) necnon ab ipsis Ecclesiis, Capitulis, Conventibus, Ordinibus, Congregationibus, Collegiis, Hospitalibus, Militiis, mensis, massis, & locis quocumque privilegio, & exemptione reali, personali, & mixta, antiqua, & immemorabili, pacifica, & continua suffultis, quos omnes ad hoc obligatos intra diem festum S. Michaelis Archangeli cujuslibet anni dicti decennii, a proxime venturo incipiendo, ac Camera praedictae, & illius Depositario generali ad id constituendo omnino volumus persolvi.

§.4. Eiusdem vero Depositarii munus erit sedulo curare, ut quicquid pecuniarum ex annua solutione hujusmodi colligetur, id diligenter, ac fideliter aservetur, de mandato nostro speciali in praedictos usus dumtaxat, nec alias erogandum.

§.5. Quicumque vero annuam solutionem hujusmodi nullo modo, vel non in-

Depositarii
onus.

Contestacione
tes pena ex-
communicat.
multat.

tegre, scienter, aut non secundum verum annum valorem fructuum, reddituum, proventuum, jurium, obventionum, distributionum, & emolumentorum, etiam medio juramento, juxta id quod a quinquennio citra, si per tantum tempus fuerint possessores, sin minus pro tempore quo possederint, denunciandum, non autem juxta taxam hactenus observatam exprimendum, vel concordiam cum Camera praedicta, cum interventu dilecti filii illius Commissarii ineundam in praescriptis terminis non exhiberint, seu in illorum exhibitione malitiam commiserint, vel fraudem, Ecclesiarum Antistites suspendimus a divinis; Capitula vero, Conventus, & Collegia quaecumque ecclesiastico interdito supponimus, ac singulares personas Antistite inferiores excommunicationis sententia innodamus.

§.6. Ceterum ad praedictam annuam solutionem consequendam praecipimus etiam omnibus Conductoribus, Censuariis, & locatariis proprietatum, fructuum, & jurium praedictorum, etiam hujusmodi pensionibus oneratorum, ut utramque annuam solutionem nomine Dominorum, ac Pensionariorum, ad computum suae quisque locationis; omnibus vero possessoribus, usufructuariis, & aliis pensiones solvere debentibus, ut ipsi etiam pensiones hujusmodi nomine Pensionariorum Camerae, & Collectoribus, seu Subcollectoribus deputatis, seu deputandis integre persolvant.

§.7. Decernentes annuam solutionem fructuum, reddituum, proventuum, & aliorum jurium praedictorum secundum verum, & realem valorem annum, ut praefertur, verificandum, vel saltem juxta taxam, de qua cum dilectis filiis nostris Hippolyto S. Eustachii Diacono Cardinali S. R. E. Camerario, ac nostro, & Camerae praedictae Thesaurario generali, cum interventu Commissarii, ut praefertur, concordaverint, annuae solutionis hujusmodi Collectores, seu Subcollectores praedictos, a quibus liberit, integre exigendi optionem, facultatemque habere, neque ulla immunitates, & exemptiones, etiam ex causa resignationis, cessionis juris, concordiae, conventionis, compositionis, aut quacumque alia gravi, & onerosa occasione quocumque modo concessas, & interim concedendas, integram solutionem hujusmodi minuire, vel impedire, neque possessores, usufructuarios, aut alias personas pensiones hujusmodi solvere debentes, etiam ipsi juri, & actioni petenda, vel detrahenda, vel retinenda portionis, & ratae partis pensionarios contingentis iurejurando renunciaverint, atque ex forma dictae Camerae amplissima caverint, modo aliquo obligari, neque ad id pro dicto tempore constringi posse.

§.8. Omnes vero confessiones, & quietantias receptionis annuae solutionis a Procuratoribus, & Ministris Camerae praedictae, tam Conductoribus, Censuariis, & Locatariis nomine suorum principalium, quam etiam

Conductores
ad solutionem
adstringit.

Juxta valorem
vel taxam, vel
concordatam
solvendam est

Quietantiae
probat.

etiam ipsis, necnon possessoribus, usufructuariis, & aliis pensiones solvere debentibus nomine pensionariorum faciendas perinde valere, atque in iudicio, & extra illud ubique locorum vim habere, ac si ipsismet principalibus, & pensionariis praesentibus, & solventibus factae, & exhibitae fuissent. Conductores autem, qui pretium locationis dominis legitime anticipaverint, locationem suam hujusmodi, quam ad hoc prorogamus, usque ad integram satisfactionem, ut prius, etiam adveniente successore, continuare debere. Sicque per quoscumque Judices ordinarios, & delegatos quavis auctoritate fungentes, etiam causarum Palatii Apostolici Auditores, ac S. R. E. Cardinales, etiam de latere Legatos, & Nuncios, sublata eis, & eorum cuilibet quavis aliter iudicandi, & interpretandi facultate, & auctoritate, ubique iudicari, & desiniri debere, ac irritum, & inane, si fecus super his a quoquam quavis auctoritate scienter, vel ignoranter contigerit attentari.

§.9. Ut autem omnia praedicta, sicut causa urgens postulat, diligenter, & fideliter executioni demandentur, praedictum Hippolytum Cardinalem Camerarium, cuius integritas, atque experientia jam pridem Nobis perspecta est, generalem annuae solutionis hujusmodi Collectorem in universa Italia, cum omnibus, & quibuscumque privilegiis, jurisdictionibus, ac juribus, quae omnes alii antehac hujusmodi Collectores habuerunt, apostolica auctoritate tenore praesentium constituimus, & deputamus, eique plenam, liberam, & absolutam potestatem, facultatem, & auctoritatem tribuimus annuam solutionem hujusmodi Camerae praedictae nomine ubique procurandi, praedictos omnes, tam conjunctim, quam divisim ad illius integram solutionem, ut praedictum est, faciendam, etiam per Edictum locis publicis assignandum monendi, & requirendi, non parentes, fraudantes, & ceteros contumaces in censuras, & poenas incidisse, servata forma Concilii Tridentini declarandi, proprietates, res, fructus, & alia bona ipsorum, etiam manu regia apprehendendi, & usque ad condignam satisfactionem retinendi.

Contradictores, & perturbatores, molestatores, & rebelles quoscumque, eisque auxilium, consilium, vel favorem publice, vel occulte quovis quasto colore praestantes, cujuscumque dignitatis, gradus, & ordinis fuerint, praedictis, & aliis censuris, & poenis ecclesiasticis, necnon pecuniariis, ceterisque juris, & facti remediis compellendi, illasque etiam iteratis vicibus aggravandi, dignitatibus, beneficiis, & officiis omnibus privandi, & amovendi, & ad futura inhabiles faciendi, interdictionem ecclesiasticam apponendi, auxiliumque brachii secularis quandocumque opus fuerit, invocandi, ad sanitatem vero reversionis, qui debite satisfecerint, ab omnibus censuris, & poenis praedictis in Bull. Rom. Tom. VI. Par. I.

Collectorem
Generalem in
sine, & fa-
cultates illi
tribuit.

forma Ecclesiae consueti absolvendi, super irregularitate forsitan incurfa dispensandi, & ad pristinum statum omnino restituendi.

§.10. Praeterea Collectores, & Subcollectores fide, & qualitatibus idoneis in omnibus Civitatibus, Terris, & Provinciis Italiae praedictae, quotquot viderit expedire, cum simili, vel limitata, non tamen absolvendi potestate, deputandi, cumque, vel eos arbitrio suo revocandi, negligentibus, & morosos removendi, ac alium, seu alios subrogandi, quotiescumque ei videbitur, in delinquentes, & suspectos pro se, vel alium, seu alios, etiam simpliciter, & de plano, ac sine strepitu, & figura Iudicii inquirendi, & meritis poenis puniendi, modos, & formas in praedictis servandos praescribendi, dubia quaecumque in praemissis forte oritura declarandi, ac prorsus omnia, & quaecumque circa ea necessaria, & opportuna faciendi, statuendi, & exequendi, etiam si talia forent, quae mandatum exigerent magis speciale, quam praesentibus est expressum.

§.11. Non obstantibus pia memor. Bonifacii Papae VIII. etiam praedecessoris nostri de una, & in Concilio generali edita de duabus dietis, ac aliis Apostolicis Constitutionibus, necnon Ecclesiarum, Monasteriorum, Ordinum, Congregationum, Hospitalium, Militiarum, & locorum praedictorum juramento, confirmatione apostolica, vel quavis firmitate alia roboratis statutis, & consuetudinibus, stabilimentis, usibus, & naturis, privilegiis quoque, indultis, & Literis Apostolicis, etiam cum quibusvis derogationum derogatoriis, & aliis quibusvis clausulis, & Decretis in contrarium quomodolibet concessis, approbatis, & innovatis: quodque Praelatis, & personis praedictis, eorumque Ecclesiis, & locis, vel quibusvis aliis communiter, aut divisim a praedicta sit Sede indultum, quod interdicti, suspendi, vel excommunicari non possint per Literas Apostolicas non facientes plenam, & expressam, ac de verbo ad verbum de indulto hujusmodi, necnon personis, eorumque nominibus, cognominibus, Ecclesiis, Monasteriis, Ordinibus, & locis hujusmodi mentionem: & quibuslibet aliis privilegiis, exemptionibus, immunitatibus in genere, & in specie quomodocumque concessis, confirmatis, & innovatis, etiam solutionem annuam hujusmodi aliter quam secundum antiquam taxam, vel conventionem factam, & nisi in universali solutionum per Orbem impositione fieri prohibentibus, necnon promissionibus, donationibus, obligationibus, juramentis, & renunciationibus, vinculis, & cautelis in assignatione praedictarum pensionum factis, quibus per impositionem annuae solutionis hujusmodi neminem teneri, neque eas quoad praemissa contra quemcumque locum habere similiter declaramus: aliique indultis, & Literis Apostolicis generalibus, & specialibus, cujuscumque tenoris existant, per quae praesentibus non expressa, aut om-

Alias facultates
d. Collectores
expli-
cat.

Contra-
derogat.

nino non inserta effectus earum impediri valeat quomodolibet, vel differri, & de quibus, quorumque totis tenoribus habenda sit in Literis nostris mentio specialis: que omnia contra premissa nolumus cuiquam in aliquo suffragari, necnon aliis impositionibus, & concessionibus ad tempus nondum elapsam, si qua sint, factis, ceterisque contrariis quibuscumque.

Pro solutione pecuniarum tantum, & non res alias pro pignore accipere jubet.

§. 2. Ceterum in exigenda annua solutione hujusmodi Constitutionem rec. mem. Clementis Papa V. similiter predecessoris nostri in Concilio Viennensi editam, quod decimæ ad monetam currentem communiter levari, nec calices, libri, ceteraque ornamenta divino cultui dicata ex causa pignoris capi, vel distrahi, aut alias quomodolibet occupari debeant, ubique volumus observari: quin etiam precipimus, ne quicquam etiam plura quantumque valoris Beneficia ecclesiastica, seu plures Beneficia ecclesiastica, seu plures pensiones, aut fructus, seu talia mixtim obtinens, pro Litera, & sigillo quietantia universalis, si illam habere voluerit, ultra unum carolum-conficientem quatenus trigintaseptem monetæ Romanæ, solvere teneatur, nec ad aliud onus etiam preteritum cambii uspiam compellatur.

Exemplari standam.

§. 3. Quia vero difficile nimis esset, præfentes Literas, quocumque illis opus erit, perferre, volumus quoque, ut illarum exemplis etiam impressis, & Notarii publici, ac Hippolyti Cardinalis, & Camerarii prædicti, aut alterius Collectoris, seu Prælati ecclesiastici, ejusve Curia sigillo obligatis eadem prorsus fides in iudicio, & extra illud ubique locorum adhibeatur, quæ illis ipsis adhiberetur, si essent exhibitæ, vel ostensæ.

Contra facientes punire.

§. 4. Nulli ergo omnino hominum liceat hanc paginam nostræ revocationis, annulationis, indictionum, impositionum, suspensionis, suppositionis, inodationis, decreti, prorogationis, constitutionis, deputationis, tributionis, declarationum, præceptorum, & voluntatum infringere, vel ei ausu temerario contraire. Si quis autem hoc attentare presumpserit, indignationem omnipotentis Dei, ac Beatorum Petri, & Pauli Apostolorum ejus se noverit incursum.

Dat. die 21. Martii 1634. An. XI.

Datum Romæ, apud Sanctum Petrum, Anno Incarnationis Dominicæ 1634, 11. Kal. Aprilis, Pontificatus nostri Anno undecimo.

Ego Urbanus Catholica Ecclesiæ Episcopus.

- Ego Dominicus Episcopus Ostiensis, & Vitervensis Card. Gymnasius.
Ego C. Episcopus Portuensis, Card. Pius.
Ego M. Episcopus Tusculanus, Cardinal. Lantei.
Ego G. Episcopus Albanensis, Card. Borgia.

- Ego R. tit. S. Praxedis Presbyter. Card. Ubalinus.
Ego Tib. tit. S. Priscæ Presbyt. Card. Mutus.
Ego I. tit. Sancta Sabina Presbyt. Card. Sabellus.
Ego Guido tit. Sancta Maria de Populo S. R. E. Presbyt. Card. Bentivolus.
Ego Fr. Desiderius tit. S. Caroli S. R. E. Presbyt. Card. de Cremona.
Ego Augustinus tit. S. Bartolomæi in Insula Presb. Card. Spinola.
Ego Cosmus tit. S. Pancratii, S. R. E. Card. de Torres.
Ego A. tit. Sancti Martini S. R. E. Presbyt. Card. de la Gueva.
Ego Fr. Antonius tit. Sancti Honoratii S. R. E. Card. Barberinus.
Ego B. Card. Spada tit. S. Stephani in Monte Celio.
Ego Laudivius tit. Sancti Petri ad Vincula Presb. Card. S. Sixti nuncupat.
Ego Berlingerus tit. Sancti Augustini Card. Gypsius.
Ego I. B. tit. S. Eusebii Presbyt. Card. Pampilius.
Ego F. tit. S. Mariae de Pace Presb. Card. Verospius.
Ego Gregorius tit. SS. Quirici, & Julita Presb. Card. Narus.
Ego Franciscus Maria tit. Basil. SS. Apostol. Presb. Card. Brancaccius.
Ego Uldericus tit. S. Anastasie Presbyt. Card. Carpinus.
Ego Stephanus tit. S. Laurentii in Pane, & Perna Presb. Card. Duratius.
Ego Augustinus Card. Oregius tit. Sancti Sixti Presb.

Ego

- Ego Hip. S. Eusebii Diaconus Cardin. Aldobrandinus, S. R. E. Camer.
Ego Franciscus Sancti Laurentii in Damaso Diac. Card. Barberinus S. R. E. Vicecancellarius.
Ego P. Maria Card. Burgbesius.
Ego L. S. Maria in Cosmedin Diaconus Cardinalis Bisca.
Ego Marsius S. Angeli in foro Piscium Diac. Card. Ginettus Sanctiss. D. N. P. Vicarius.
Ego A. S. S. Cosma, & Damiani Diac. Card. Cesarinus.
Ego S. Agatha Diaconus Card. Antonius Barberinus.
Ego Benedictus SS. Viti, & Modesti Diac. Card. Ubalus.

Anno a Nativitate D. N. Jesu Christi millesimo sexcentesimo trigesimo, Indictione secunda, die vero 24. Aprilis, Pontificatus Sanctiss. in Christo Patris, & D. N. D. Urbani Divina Providentia Papa VIII. anno undecimo, presentes Literæ Apostolicae lictæ, & publicæ fuerunt ad vobis Basilicarum Lateranensis, & Principis Apostolorum, Cameræque, & Cancellariæ Apostolicæ, ac in acie Campi Floræ, per nos Franciscum de Paulis, & Dominicum Mangilium prælibati Sanctiss. D. N. Papæ Cariores. Joannes Radice pro D. Mag. Curf.

CDLI.

Indictio Jubilæi universalis ad divinam iram avertendam, & catholica rei pericula, ac detrimenta præsertim in Germania ingruentia removenda. Et ejusdem prorogatio ad alias duas hebdomadas, cum declaratione, quod possint Christiani fideles supplere in sequentibus duabus, si quid in primis hebdomadis pro consequenda indulgentia hujusmodi omiserint.

URBANUS PAPA VIII.

Universis Christi fidelibus presentes Literas inspecturis, salutem, & apostolicam benedictionem.

Teratis precibus, atque indictis publice supplicationibus ad Deum sæpius clamavimus, ut calamitatum turbine correptos Nos liberaret, & ærumnas populo suo imminentes averteret; quæ etsi penitus amotæ non sint, ex parte tamen divina clementia sublata, aut esse mitigatas intelligimus. Commoti igitur catholica rei periculis, & detrimentis, in Germania præ-

Ad avertenda pericula in Germania præsertim ingruentia.

sertim ingruentibus, decrevimus in jejuniis, & oratione perseverantes accedere ad eum denuo, qui assiduas fidelium petitiones exaudire consuevit: speramus enim, cum sit Creator, Redemptor, & misericors Pater animarum nostrarum, fore ut plane Nobis propitiatus, & culpæ, quibus ultionem meremur, oblitus Nos voti compotes efficere non dedignetur. Hoc autem ut fructuosius, & majori cum spiritus ardore peragatur, & ex veteri Ecclesiæ Romanæ omnium matris, & magistræ more, in præsentibus necessitatibus, ejusdem Ecclesiæ thesauros, quorum dispensatores a Domino constituti sumus, proferre, & largissime erogare decrevimus.

Jubilæum con- cedit adim- plentibus hic descripta.

§. 1. Itaque ex parte omnipotentis Dei Patris, & Filii, & Spiritus Sancti, omnes, & singulos utriusque sexus Christi fideles, tam in Alma Urbe nostra, quam alibi ubicumque locorum constitutos apostolicæ auctoritate paterne, enixeque requirimus, monemus, & in Domino adhortamur ad infra scripta devote peragendum, & adimplendum, & ad Deum Salvatorem nostrum orandum, ut per viscera misericordiæ suæ fidem catholicam protegere, ab hostium conatibus, & insidiis defendere, hæresim extirpare, Principibus Christianis pacem, & veram concordiam donare, ac præcipue præfentibus Ecclesiæ necessitatibus subvenire dignetur. Nos enim de omnipotentis Dei misericordia, ac Beatorum Petri, & Pauli Apostolorum ejus auctoritate confisi, ex illa ligandi, atque solvendi potestate, quam Nobis Dominus, meritis minime suffragantibus, contulit, universis, & singulis Christi fidelibus in Alma Urbe prædicta degentibus, qui solemnibus processioni, quam a Basilica Principis Apostolorum in Vaticano ad Ecclesiæ Archihospitalis nostri Sancti Spiritus in Saxia nuncupatam de Urbe, Feria quarta sequentis hebdomadæ, quæ erit 29. præfentibus mensis Martii, una cum Venerabilibus Fratribus nostris S. R. E. Cardinalibus, Christianorumque Regum, & Principum apud Nos, & Apostolicam Sedem Oratoribus, omnibusque Prælatibus, & Proceribus, ac universo Clero, & Populo agemus: aut alteri ex processione, quæ Feria sexta ejusdem hebdomadæ 31. dicti mensis a Basilica S. Mariæ Majoris ad Ecclesiæ Lateran., & Sabbato ejusdem hebdomadæ prima Aprilis ab Ecclesiæ B. Mariæ supra Minervam ad Ecclesiæ ejusdem B. Mariæ de Anima, etiam nuncupatam respective de mane per universum Clerum tam secularem, quam regularem, post meridiem vero per Archiconfraternitates, & Confraternitates secularium canonicè institutas Al-

ma Urbis prædictæ sicut interfuerint, vel qui in eadem, seu immediate sequenti hebdomada, duas ex dictis Basilicis, sive Ecclesiis saltè semel visitaverint, ibique devote ut supra Deum oraverint, necnon feria quarta, & sexta, ac Sabbato ejusdem, vel sequentis hebdomadæ jejunaverint, atque peccata sua confessi sequenti saltè die Dominico Sanctissimum Euchariæ Sacramentum reverenter

B b b 2

reuter sumplerint, & eleemosynas ad libitum, prout charitas singulis suggererit, fecerint: Cateris vero omnibus, & singulis fidelibus extra Urbem existentibus in quibusvis Civitatibus, Terris, & locis, qui processioni ab Ordinariis locorum, vel eorum Vicariis, seu Officialibus, vel de eorum mandato, & ipsis deficientibus, per eos, qui ibi curam animarum exercent, prima, vel secunda hebdomada, postquam ad eorum notitiam hæ nostræ Literæ devenierint, indicendæ, & agenda interfuerint; vel Ecclesiam, seu Ecclesias per eodem designandas saltem semel visitaverint, ibique, ut supra, Deum oraverint, ac feria quarta, sexta, & Sabbatho alterius ex duabus hebdomadis ab eisdem deputandis jejunaverint, pariterque peccata sua confessi, ac Sanctissima Communione refecti fuerint, & eleemosynas similiter pro arbitrio suo fecerint; plenissimam omnium peccatorum suorum indulgentiam, & remissionem, sicut in anno Jubilæi visitantibus certas Ecclesias intra, & extra Urbem concedi consuevit, tenore presentium concedimus, & elargimur.

Itinerantibus Regularibus, Infirmis, Capivivis & aliis impeditis, modum statuit.

§.2. Navigantes vero, aut iter agentes, ut cum primum ad sua se domicilia receperint, suprascriptis peractis, & loco interventus in processione, visitata Ecclesia Cathedrali, vel majore, aut parochiali loci ejusdem domicilii, eandem indulgentiam consequi possint, & valeant. Regularibus autem personis utriusque sexus, etiam in clausuris perpetuo degentibus, necnon aliis quibuscumque tam laicis, quam Religiosis secularibus, vel regularibus etiam in carcere, aut in captivitate existentibus, vel aliqua corporis infirmitate, seu alio quocumque impedimento deventis, qui supra expressa, scilicet jejunium, eleemosynam, Ecclesiæque, seu Ecclesiarum visitationem, ac interventum in processione, & orationem, vel eorum aliorum aliqua præstare nequiverint, ut illa Confessarius, quem ut infra elegerint, eis in alia pietatis opera commutare, vel in aliud proximum tempus prorogare possit, eaque injungere, quæ ipsi poenitentes efficere poterunt, pariter concedimus, & indulgemus.

Eligendi Confessarium, qui eos absolvat etiam a refectione (excepta hæresi) facultatem concedit.

§.3. Cupientes autem omnes Christi fideles participes fieri hujus pretiosissimi thesauri, universis, & singulis utriusque sexus tam laicis, quam ecclesiasticis secularibus, & regularibus cujusvis Ordinis, Congregationis, & Instituti, licentiam concedimus, & facultatem damus, ut sibi ad hunc effectum eligere quendamque presbyterum Confessarium tam secularem, quam cujusvis Ordinis regularem ex approbatis a locorum Ordinariis, qui eos ab omnibus excommunicationis, & aliis ecclesiasticis sententiis, & censuris a jure, vel ab homine quavis causa latis seu inflictis, necnon ab omnibus peccatis, excessibus, criminibus, & delictis quantumvis gravibus, & enormibus, etiam locorum Ordinariis, sive Nobis, & Sedi Apostolicæ etiam in-

Literis die Cœnæ Domini legi solitis contentis, & alias per quascumque nostras, aut Romanorum Pontificum prædecessorum nostrorum Constitutiones, quarum tenores presentibus haberi volumus pro expressis, quomodocumque reservatis, in foro conscientia, & hac vice tantum, non tamen a crimine hæresis, absolvere, & liberare valeant.

§.4. Et insuper vota quæcumque (Religionis, & Castitatis exceptis) in alia pia, & salutaria opera commutare, injuncta tamen eis, & eorum cuilibet in supradictis omnibus casibus poenitentia salutari, aliisque ejusdem confessarii arbitrio injungendis.

§.5. Quapropter tenore presentium in virtute sanctæ obedientiæ districte precipimus, atque mandamus omnibus, & quibuscumque Venerabilibus Patribus Patriarchis, Archiepiscopis, Episcopis, & aliis Ecclesiarum Prælati, ac quibuscumque Ordinariis locorum, eorumque Vicariis, & Officialibus, vel iis deficientibus, illis, qui curam animarum exercent, ut cum presentium Literarum transumpta, aut exempla etiam impressa acceperint, illa statim absque ulla mora, retardatione, vel impedimento, per suas Ecclesias, Dioeceses, Provincias; Civitates, Oppida, Terras, & loca publicent, & publicari faciant, ac Cleris, & Populis sibi subjectis solemnes processiones, & supplicationes indicant, & celebrent, Ecclesiæque, seu Ecclesias visitandas designent.

§.6. Non intendimus autem per presentes super aliqua irregularitate publica, vel occulta, nota, defectu, incapacitate, seu inhabilitate quoquo modo contracta dispensare, vel aliquam facultatem tribuere dispensandi, seu habilitandi, & in pristinum statum restituendi etiam in foro conscientia.

§.7. Neque etiam easdem presentes iis, qui a Nobis, & Apostolica Sede, vel ab aliquo Prælate, seu Judice ecclesiastico excommunicati, suspensi, interdicti, seu alias in sententias, & censuras incidisse declarati, vel publice denunciati fuerint, nisi infra tempus celebrationis hujusmodi Jubilæi satisfecerint, aut cum partibus concordaverint, ullo modo suffragari posse, aut debere.

§.8. Non obstantibus Constitutionibus & ordinationibus apostolicis, præsertim quibus facultas absolvendi in certis tunc expressis casibus ita Romano Pontifici pro tempore existenti reservatur, ut nec etiam similes, vel dissimiles Jubilæi, Indulgentiarum, & facultatum hujusmodi concessiones, nisi de illis expressa mentio, aut specialis derogatio fiat, cuiquam suffragari queant, necnon regula nostra de non concedendo indulgentiis ad instar, ac quorumcumque Ordinum, & Congregationum, sive Institutorum Regularium etiam juramento, confirmatione apostolica, vel quavis firmitate roboratis statutis, & consuetudinibus, privilegiis quoque, indultis, & Literis apostolicis

Ac vota commutet, præter castitatis, ac Religionis.

Exequutores deputat.

Habilitandi potestatem non tribuit.

Publice denunciati quomodo possint consequi declarat.

Contrariis derogat.

solitis eisdem Ordinibus, Congregationibus, & Institutis illorumque personis quomodolibet concessis, approbatis, & innovatis. Quibus omnibus, & singulis, etiam si de illis, eorumque totis tenoribus specialis, specifica, & individua, non autem per clausulas generales idem importantes mentio, seu quævis alia expressio habenda, aut aliqua exquisita forma ad hoc servanda foret, illorum tenores presentibus pro sufficienter expressis, ac formam in eis traditam pro servata habentes, hac vice specialiter, nominatim, & expresse, ad effectum presentium derogamus, ceterisque contrariis quibuscumque.

§.9. Ut autem presentes nostræ, quæ ad singula loca deferri non possunt, ad omnium notitiam facilius deveniant, volumus, ut earundem presentium transumptis, vel exemplis etiam impressis, manu alicujus Notarii publici subscriptis, & sigillo personæ in dignitate ecclesiastica constitutæ munitis ubique locorum, & gentium, eadem prorsus fides habeatur, quæ haberetur ipsis presentibus, si forent exhibitæ, vel ostense.

Datum Romæ apud Sanctum Petrum, sub Anno Piscatoris, die 23. Martii millesimo sexcentesimo trigesimo quarto, Pont. nostri Anno XI.

URBANUS PAPA VIII.

Universis Christianis presentes Literas inspecturis, salutem. & apostolicam benedictionem.

§.1. Pastoralis charitatis, qua gregem dominicum curæ nostræ divinitus commissum prosequimur, ejusque precum, & piorum operum fiducia adducti, ad divinam opem pro presentibus Ecclesiæ necessitatibus, præsertim in Germania vigentibus, implorandam per nostras in simili forma Brevis sub die 23. Martii proxime præteriti expeditas Literas universis, & singulis Christianis in Alma Urbe nostra degentibus, qui Processionibus tunc expressis interfuisent, vel Basilicas, aut Ecclesias etiam tunc expressas visitassent, & ibi pro Fidei Catholicæ defensione, hæresum extirpatione, ac Principum Christianorum concordia devote orassent, necnon feria quarta, & sexta, ac sabbatho unius ex duabus hebdomadis jejunassent, atque peccata sua confessi, sequenti saltem die Dominico Sanctissimi Eucharistiæ Sacramentum reverenter sumpsissent, & eleemosynas ad libitum, prout charitas singulis suggerisset, fecissent: ceteris vero omnibus, & singulis fidelibus extra Urbem existentibus, in quibusvis Civitatibus, Terris, & locis, qui processioni ab Ordinariis locorum, vel eorum Vicariis, seu Officialibus, vel de eorum mandato, & ipsis deficientibus, per eos, qui ibi curam animarum exercent, prima, vel secunda hebdomada, postquam

Exemplis eisdem jubet.

Dat. die 23. Martii 1634. An. XI.

Enatæ consecrationem prædicti Jubilæi.

ad eorum notitiam præfata nostræ Literæ devenissent, indicendæ, & agenda interfuisent, vel Ecclesiam, seu Ecclesias per eodem designandas saltem semel visitassent, ibique ut supra Deum oravisent, ac feria quarta, sexta, & sabbatho alterius ex duabus hebdomadis ab eisdem deputandis jejunassent, pariterque peccata sua confessi, ac Sanctissima Communione refecti fuissent, & eleemosynas similiter arbitrio suo fecissent; plenissimam omnium peccatorum suorum indulgentiam, & remissionem in forma Jubilæi concessimus, & elargiti sumus, cum facultatibus eligendi Confessarium, aliisque facultatibus, prout in dictis Literis, quarum tenores presentibus pro expressis habere volumus, plenius continetur.

§.2. Ut autem illorum, qui certis ex causis præpediti, seu alias participes infra tempus in dictis Literis præfixum pretiosissimi hujus thesauri fieri non poterint, spiritali consolationi, animarumque saluti consulamus, plenissime in forma Jubilæi Indulgentiæ hujusmodi munus, cum omnibus, & singulis facultatibus, indultis, decretis, & gratiis in præfatis Literis nostris contentis, ad duas post Dominicam in Albis immediate sequentes hebdomadas, quoad Christianos in Alma Urbe nostra prædicta: quo vero ad alios extra eandem Urbem ubique locorum, & terrarum, ut præfertur, degentes a fine primæ, vel secunde hebdomadæ in eisdem Literis expressæ computan, de omnipotentis Dei misericordia, ac Beatorum Petri, & Pauli Apostolorum ejus auctoritate consili, apostolica auctoritate tenore presentium extendimus, & prorogamus; ita ut Christianos præfati, qui tempore in eisdem Literis præfixo cœlestem indulgentiæ hujusmodi thesaurum non fuerint consequuti, si duabus hebdomadis per presentes prorogatis durantibus, vel in altera earum similiter pro Fidei Catholicæ defensione, præsertim in Germania, ac etiam in Regno Poloniæ, aliisque Provinciis, & Regnis infidelium, & hæreticorum ditionibus finitimis, hæresumque extirpatione, ac Christianorum Principum concordia devote, ut supra, oraverint, aliæque omnia, & singula in dictis Literis comprehensa adimpleverint, eandem Indulgentiam consequi valeant in omnibus, & per omnia; perinde ac si Literæ nostræ hujusmodi etiam duas hebdomadas per presentes prorogatas comprehenderent.

§.3. Ac præterea benignius cum eisdem Christianis agentibus, concedimus, & indulgemus, ut quicumque in tempore in nostris Literis prædictis præfixo, aliqua in illis præscripta ad Indulgentiam hujusmodi consequendam egerint, aliqua vero omiserint; si hæc in duabus hebdomadis per presentes prorogatis durantibus, vel aliqua eorum adimpleverint, Indulgentiam prædictam nihilominus consequantur, ac gratiis hujusmodi fruantur, si omnia dictis duabus hebdomadis per presentes prorogatis duran-

Quod extendit ad alios duas hebdomadas.

Consequend facultatem concedit suppleto, quod antea omiserint.

durantibus, vel aliqua earum adimpleverint, indulgentiam prædictam nihilominus consequantur, ac gratis hujusmodi fruuntur, sicut consequerentur, & fruerentur, si omnia dictis duabus hebdomadis præfentes prorogatis durantibus, aut earum altera præfarent.

§.4. Non obstantibus omnibus illis, quæ in dictis Literis volumus non obstat, cæterisque contrariis quibuscumque.

Datum Romæ apud S. Petrum sub Anulo Piscatoris, die 21. Aprilis 1634. Pont. nostri Anno XI.

Contraria tollit.

Dat. P. A. 11. die 21. Apr.

CDLII.

Communicatio Privilegiorum omnium, non Mendicantium, & Mendicantium Ordinum, seu Congregationibus Clericorum concessorum, Fratribus Discalceatis Hispaniarum Ordinis Sanctissimæ Trinitatis Redemptionis Captivorum.

Istorum Fratrum Congregationem Hispaniarum, inter alios Mendicantium Ordines adscriptis Paul. V. & eius privilegia communicavit in Const. CXLVI. Ecclesiæ, Tom. V. P. III. fol. 387. Cætera lege ad hujus Pont. Const. Cam. sicut.

URBANUS PAPA VIII.

SERVUS SERVORUM DEI

Ad perpetuam rei memoriam.

Exordium. **R**edemptoris nostri JESU Christi Salvatoris exemplo, quo se ipsum exinaniens, formamque servi accipiens, sui sanguinis profusione nos redemit, assidua meditatione pensantes, continuis simulis, ut tantæ liberalitatis memores, gemitus maxime filiorum Ecclesiæ in vinculis compeditorum, & misericordiam Nobis postulantium audientes, paterna sollicitudine ad opem illis, quam possumus, ferendam eo promptius excitemur, quo illos apud gentes barbaras, & incultas durior servitus premit, vincula coarctant, perdita patria, & amissi parentes affligunt; necnon eorum, quos frequentes Sacramentorum Ecclesiæ participatio non recreat, imo spiritualis perditionis evidentius terret periculum, saluti, quantum cum Domino possumus, libenter consulamus, illosque ab illa miserabili servitute sublevemus: ac operarios illi messi, quæ utique non pauca existit, ex professo invigilantes, adjuvemus, eorumque pium exercitium, quo ipsi labores expeditius suscipiendo, tam pium opus alacrius continent, & promptius exequantur, gratis, & favoribus, quibus possumus, amplissimis confoveamus, prout in Domino conspiciamus, salubriter expedire.

§.1. Sane pridem fel. rec. Paulus Papa Quintus prædecessor noster Congregationem Fratrum Discalceatorum Ordinis Sanctissimæ Trinitatis Redemptionis Captivo-

rum Hispaniarum, inter cæteros Mendicantium Ordines adscripsit, ac illam, & illius Fratres sub Mendicantium nomine comprehendere debere decrevit, & declaravit; propterea omnia privilegia, immunitates, exemptiones, facultates, libertates, indulta, & alias gratias Mendicantium Ordinibus concessa ad ipsam Congregationem, ejusque Fratres, Domos, Ecclesias, & loca extendit, & ampliavit. Omnia præterea privilegia speciali quoque nota digna, immunitates, exemptiones, libertates, concessiones, gratias, tam spirituales, quam temporales, universo Sanctissimæ Trinitatis Redemptionis Captivorum Ordini, illiusque Domibus, Ecclesiis, Superioribus, ac Fratribus concessa præfatæ Congregationi pariter concessit, communicavit, & extendit: ac alias, prout in Literis Apostolicis desuper expeditis plenius continetur.

§.2. Cum autem, sicut exhibita nobis nuper pro parte dilecti filii Joannis de Annunciatione ipsius Congregationis Procuratoris Generalis petitio continebat, Fratres, & Religiosi ejusdem Ordinis juxta particulare eorum Institutum a pia memoriæ Innocentio Papa III. etiam prædecessore nostro approbatum, sub Regula propria Sanctis Patriarchis Joanni, & Felici dicte Religionis fundatoribus tradita, in Captivorum redemptione pro viribus occupentur, & longos, ac tediosos labores intransfretando mari, & apud ipsos infideles dietim sustineant; & non modo in redemptione ipsa, quæ ad omnes captivos nunquam extendi potest, sed etiam exhortationibus, concionibus, & admonitionibus ad reliquos, qui dictam duram servitutem continuant, ne fides eorum deficiat, occupentur, proprias facultates libenter exponant, discrimina quælibet, & pericula alacriter indefessè subeant; & ut tam pium opus eo alacrius Fratres ipsi continent, & utilius exequantur, promptioresque ad id redantur: ac propterea plurimum cupiant, aliarum Religionum, & Ordinum gratias, & privilegia hætenus a Sede Apostolica concessa, Congregationi præfatæ, illiusque Fratribus, & locis per Nos, & Sedem eandem, ut infra concedi, & communicari; Quare pro parte ejusdem Joannis Nobis fuit humiliter supplicatum, ut Congregationis ampliationi in præmissis opportune providere, & consulere de benignitate apostolica dignaremur.

§.3. Nos igitur ipsius Congregationis augmentum, & conservationem firmissimis vallare præsidis desiderantes, ipsumque Joannem, ac singulas personas ejusdem Congregationis a quibusvis excommunicationis, suspensionis, & interdicti, aliisque ecclesiasticis sententiis, censuris, & penis a jure, vel ab homine quavis occasione, vel causa latis, si quibus quomodolibet innodati existunt, ad effectum presentium consequendum harum serie absolventes, & absolutos fore censentes; necnon Literarum præfatarum tenores etiam veriores, ac dat-

Ordines adscriptum fuisse, & privilegia communicata.

Nunc ex causis hic expressis.

Communicat huic Congregationi omnia privilegia aliorum Ordinum, & Congregationum, quatenus sunt in usu, non revocata, neque sub revocationibus comprehendit.

tas præfentibus pro expressis habentes, hujusmodi supplicationibus inclinati; ex voto Congregationis Venerabilium Fratrum nostrorum Sanctæ Romanæ Ecclesiæ Cardinalium negotiis Regularium præpositorum, Congregationis Fratrum Discalceatorum prædicti Ordinis Sanctissimæ Trinitatis Redemptionis Captivorum, illiusque Domibus, & Regularibus locis sub illa comprehensis, necnon Ministro Generali pro tempore existenti, Definitoribus, & Procuratoribus Generalibus, Visitatori, Consultoribus, Assessori, Ministrisque Provincialibus, & Conventualibus, aliisque cujuscumque nominis Officialibus, Superioribus, ac Religiosis omnibus, & singulis in ea professis Fratribus pro tempore ad captivos redimendos transmissis, & Capitulis generalibus, personis Regularibus, Novitiis, Conversis, Donatis, Oblatis, Ministris, Famulis, cunctisque tam officariis, quam domesticis, & eorum domibus inservientibus, & cæteris primordiatæ Congregationis, ac domorum, & regularium locorum personis quibuscumque pro tempore existentibus, necnon quibusvis aliis personis, ac Christianidelibus illorum Ecclesias, seu Cappellas pro tempore visitantibus, ut omnibus, & singulis privilegii, libertatibus, immunitatibus, exemptionibus, præeminentiis, antelationibus, concessionibus, indultis, favoribus, indulgentiis, aliisque prærogativis, & gratiis universis, & singulis, tam spiritualibus, quam temporalibus, singulis Domibus, Conventibus, & aliis Regularibus locis, ac personis, tam Canonicorum Regularium ubivis existentium institutis, & non solum Ordinibus Monasticis, Regularibus Mendicantium, & non Mendicantium, tam pro redimendis captivis, quam alias quomodolibet Ordini Sanctissimæ Trinitatis Redemptionis Captivorum, illiusque Domibus, Conventibus, & Fratribus; necnon Ordini Beate Mariæ de Mercede Redemptionis Captivorum, ac etiam omnibus, & quibuscumque Congregationibus Regularibus, & præcipue Clericorum Regularium Infirmis ministrantium, & Canonicorum Congregationis Sanctissimi Salvatoris Lateranensis, Sancti Salvatoris de Bononia, ac etiam Sancti Ruffi Valentis, & Sanctæ Crucis Colimbriæ, Clericorum Regularium de Soma-scha, & Pauperum Matris Dei, ac Scholarum Piarum, ipsique Monasticis Congregationibus, etiam Cassinensi, aliisque Monachis, & Monasteriis Sancti Benedicti, Sancti Hieronymi, Carmelitis Discalceatis, Conventui Beate Mariæ de Guadalupe, necnon Societati JESU, ipsique Cartusiensum, Præmonstratensium, & Reformatorum, Cisterciensium, Servitarum, Olivetanorum Ordinibus, aliisque Familiis, & Societatis Regularibus, Militiis, Hospitalibus quibuscumque, & piis locis Regularibus, ac quibuscumque personis nunc, & pro tempore existentibus præfatarum, & quorumlibet Ordinum, Societatum,

Congregationum Regularium per Nos, & Sedem prædictam, ac alios quoscumque prædecessores nostros Romanos Pontifices, necnon ejusdem Sanctæ Romanæ Ecclesiæ Cardinales, & de latere Legatos, & quovis Sedis prædictæ Nuntios: vel etiam tam apostolica prædicta, quam ordinaria, & regia, vel imperiali auctoritatibus respective, aut aliis quomodolibet quibuscumque verborum expressionibus, & tenoribus in genere, vel in specie, ac particulariter, tam per modum communicationis, & ampliationis, quam simplicis, & individuae, ac particularis, & specialis concessioni, ac etiam motu proprio, & ex certa scientia, & de apostolica potestatis plenitudine, etiam iteratibus vicibus concessis hætenus, vel confirmatis, aut approbatis; & quibus illi tam in vita, quam in mortis articulo, etiam circa peccatorum remissiones, & injunctarum poenitentiarum relaxationes, aut aliis quomodolibet de jure, usu, aut privilegio, vel consuetudine quomodolibet utuntur, fruuntur, potiuntur, & gaudent, ac uti, frui, potiri, & gaudere possunt, & poterunt quomodolibet in futurum, quamvis illa sint speciali nota digna, difficilisque concessioni, & quæ in generali concessione non veniunt; non solum per participationem, communicationem, illorum extensionem, & ad illorum instar; sed speciatim, & nominatim, partiformiter, & æque principaliter in omnibus, & per omnia absque ulla prorsus differentia, perinde ac si illa primordiatæ Congregationi, illiusque Capitulis Generalibus, Ministro Generali pro tempore existenti, illiusque Superioribus, & personis præfatis specialiter, expresse, & nominatim, etiam per viam, & modum simplicis, & individuae, ac particularis, & specialis concessionis, etiam motu proprio, & ex certa scientia, ac per modum de apostolica potestatis plenitudine, aut communicationis, & ampliationis concessa fuissent: quatenus tamen sint in usu, & non revocata, nec sub aliqua revocatione comprehensa, uti, frui, potiri, & gaudere libere, & licite possint, & valeant. Ita quod omnes, & singuli primordiatæ Congregationis, & illius domorum, locorumque regularium Superiores, & Ministri quocumque nomine appellati, eosdem favores, gratias apostolicas, & privilegia, quæ aliarum Religionum, Ordinum, Congregationum, Societatum, etiam Societatis JESU, Monasteriorum, Conventuum, Domorum, aut locorum regularium, & Familiarum, Generales, Superiores, Præpositi, Provinciales, Rectores, Priores, Conventuales, aut Claustrales, Visitatores, Guardiani, Custodes, aut alio quocumque nomine, titulo, aut dignitate insigniti, habent, similiter, ut supra, habeant. Fratresque, & Personæ regulares primordiatæ Congregationis, Generales, Superiores, Ministri, & ceteri alii cujuscumque appellationis Præpositi, & Præfecti, in primordiatæ Congregatione expresse professi, & in ejus gremio,

mio, & observantia viventis Fratres, & personas regulares primordie Congregationis cum privilegiis, gratiis, & favoribus apostolicis Ordinum, & Congregationum hujusmodi perpetuo secundum observantiam regularem, & canonicum institutum Ordinis Sanctissime Trinitatis regere, & gubernare, & respective visitare valeant. Neque primordie Congregatio super prefatis omnibus, & singulis a quoquam quavis auctoritate, vel nomine molestari, perturbari, inquietari, aut alias quomodolibet in iudicio, & extra impediri possint, apostolica auctoritate predicta, eorumdem tenore presentium perpetuo concedimus, & indulgemus.

clausulas prefecativas adiungit.

§.3. Decernentes, easdem presentes semper, & perpetuo tamquam ad divini cultus, & bonorum operum augmentum, & religionis propagationem tendentes, validas, efficaces esse, & fore, suosque plenarios, & integros effectus sortiri, & obtinere, ac ob omnibus, & singulis firmiter, atque inviolabiliter observari, & adimpleri debere: nec ab illis ullo unquam tempore, quovis pretextu, occasione, vel causa, recedi, aut resiliari; easdemque presentes sub quibusvis similibus, vel dissimilibus gratiarum revocationibus, suspensionibus, limitationibus, derogationibus, & aliis contrariis dispositionibus, etiam per Nos, & successores nostros Romanos Pontifices pro tempore existentes, Sedemque prefatam sub quibusvis tenoribus, & formis, & cum quibusvis clausulis, & decretis pro tempore factis, minime comprehendi, vel confundi: sed semper, & perpetuo ab illis excipi, & quoties illa emanabunt, toties in pristinum, atque validissimum statum restitutas, repositas, & plenarie reintegratas, & de novo etiam sub quacumque posteriori data quodcumque eligenda concessas esse, & fore: primordieque Generalis Ministri, & Fratrum Disalceatorum hujusmodi Congregationi suffragari.

Ita iudicari ab omnibus mandat.

§.4. Sicque, & non alias per quoscumque Iudices, etiam causarum Palatii Apostolici Auditores, ac eisdem S.R.E. Card. etiam de latere Legatos, Vicelegatos, ac Sedis Apostolice predicta Nuntios, iudicari, & definituri debere: irritum quoque, & inane, quicquid secus super his a quoquam quavis auctoritate scienter, vel ignoranter contigerit attentari.

Contrariis derogat.

§.5. Non obstantibus premissis, ac quibusvis Apostolicis, & in Synodaliis, Provincialibusque, & Universalibus Conciliis editis specialibus, vel generalibus Constitutionibus, & ordinationibus; necnon Regularium Domorum, Locorum, & Ordinis hujusmodi, etiam iuramento, confirmatione apostolica, vel quavis firmitate alia roboratis statutis, & consuetudinibus, privilegiis quoque, indultis, & Literis apostolicis primordie Congregationi, illiusque Superioribus, & personis in genere, vel in specie, ac alias sub quibuscumque tenoribus, & formis, ac cum quibusvis clausulis, & decretis, etiam iteratis vicibus

quomodolibet concessis, approbatis, & innovatis. Quibus omnibus, etiam pro illorum sufficienti derogatione alias de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes, mentio, seu quavis alia expressio habenda, aut aliqua alia exquisita forma ad hoc servanda foret, illis alias in suo robore permanens, hac vice dumtaxat specialiter, & expresse harum serie derogamus, ceterisque contrariis quibuscumque.

Transumptis fidem dari precipit.

§.6. Volumus autem, quod ipsarum presentium exemplis, seu transumptis, etiam impressis, & alicujus personae in dignitate ecclesiastica constituta sigillo, & Notarii publici manu obsignatis fectur, eademque prorsus fides in iudicio, & extra adhibeatur, quae eisdem presentibus adhiberetur, si forent exhibitae, vel ostensa.

Sancionemus penalem suspensionis.

§.7. Nulli ergo omnino hominum liceat, hanc paginam nostrae abolitionis, concessionis, indulti, decreti, derogationis, & voluntatis infringere, vel ei ausu temerario contraire. Si quis autem hoc attentare presumpserit, indignationem omnipotentis Dei, ac Beatorum Petri, & Pauli Apostolorum eius se noverit incursum.

Datum Romae apud Sanctum Petrum, anno Incarnationis Dominicae 1634. 5. Kalend. April. Pont. Nostri Anno 11.

Dat. P. A. die 28. Mart.

CDLIII.

Confirmatio Constitutionum Congregationis Reformatae Ordinis Sancti Antonii de Sancto Antonio Viennen. in Capitulo Generali examinarum, & approbatarum.

Ex Regest. in Secret. brev.

URBANUS PAPA VIII.

Ad perpetuam rei memoriam.

Sacri apostolatus ministerio meritis licet imparibus divina dispositione presidentes inter gravissimas pastoralis officii nostri curas, illam praesertim amplectimur, per quam felici Christifidelium quorumlibet sub suavi religionis iugo altissimo famulatum statui, & quieti opportune consulitur, prout conspiciamus in Domino salubriter expedire.

Proemium.

§.1. Alias siquidem a felicis recordationis Gregorio XV. Praedecessore nostro in erectione Congregationis Reformatae Ordinis Sancti Antonii de Sancto Antonio Viennen. Canonicorum Regularium dilecto filio moderno Abbati Generali dictae Congregationis concessa, & postea a Nobis confirmata fuit facultas pro felici gubernio ejusdem Congregationis nonnullas Constitutiones, seu Statuta licita tamen, & honesta, Sacrifque Canonibus, & Concilii Tridentini Decretis, ac Constitutionibus Apostolicis non contraria, necnon in Capitulo Generali.

Gregorius XV. Abbat huius Congr. facultatem dedit propriis sibi condendi Constitutiones.

nerali dictae Congregationis examinanda, & a Sede Apostolica approbanda condendi.

§.2. Qui quidem Abbas vigore dictae facultatis nonnullas Constitutiones condidit, conditaeque in Capitulo Generali dictae Congregationis examinari, & approbari, necnon ab omnibus Vocalibus in eodem Capitulo congregatis subscribi obtinuit, tenoris subsequens videlicet.

Jesus, Maria pro Dei Gloria, & in honorem Beatissimi Patris Nostri Antonii.

Incipit Codex Constitutionum Congregationis Reformatae Ordinis Sancti Antonii Viennen. jam tertio emendatarum potissimum per Capitulum Generale extraordinarie celebratum hoc anno millesimo sexcentesimo trigesimo, mensibus Octobris, & Novembris, in quo immutata, & aucta fuerunt, & majori, quam haecenus luce donata, facilliorique, & commodiori ordine digesta in quatuor partes, in quarum prima agitur de Officio divino, & caeremoniis ecclesiasticis. In secunda: De moribus. In tertia: De electionibus, & electorum officii, deque administratione temporalium. In quarta: De hospitalitate.

PARS PRIMA.

De Officio Divino.

Serventur in Officio Divino Rubricae Missalis, Breviarii, & Caeremonialis Romani, tam in propriis, quam in aliis, quae celebrantur, officiis.

In Dioecesium, & Parochiarum factis, quae ponuntur a Populo, & quae Episcopus servanda praecipit per solvatur Officium, & Breviario Romano non se propriis dictarum Dioecesium officiis restringendo juxta Decretum Concilii Tridenti sels. 25. cap. 12.

Singulis diebus hora quarta Matutina pulsatur a Deputato primum signum pro Matutinis, & hora quinta pulsat ultimo: Hebdomadarius inchoabit Officium, sicut & omnes Horas Canonicas nisi impeditus alteri idoneo vices suas commiserit. Matutinum vero, Laudes, & Prima subsequenter sine cantu recitabuntur.

In Choro nemini liceat cantare, quod non sit cantandum, aut privatim aliquid legere, aut aliud facere, dum dicuntur Horae Canonicae, vel Missae majores decantantur. Sed Fratres simul cantent, quoties cantandum erit, & psallant Domino sapienter Laudibus divinis singulari attentione, devotione, & modestia intendentes.

Nullus omnino cujuscumque privilegii, aut superioritatis, etiam generalatus pretextu immunis a Choro censetur, nisi tempore, quo quis in proprii officii munere fuerit occupatus.

Psalmodia non trahatur, sed rotunde proferatur cum pausis, itaut in medio, & in fine cuiuslibet metri fiat pausa cum modico intervallo, nec nimis protrahendo vocem, nec nimis abbreviando, servata folementatum differentia.

Bull. Rom. Tom. VI. Par. I.

In Choro stent omnes in Invitatorio, omnibus Hymnis ad Benedictus, Magnificat, Nunc dimittis, Benedictio omnia opera, & ad cantica laudum seralium, & etiam ad Symbolum Quicumque vult &c.

Genuallectant ad verba Invitatorii: Venite adoremus, & procedamus &c. Te ergo quae sumus tuis famulis subveni, quos pretioso sanguine redemisti, in Hymnis ad verbum: Veni Creator Spiritus &c. Tantum ergo Sacramentum &c. O vere digna hostia &c. O salutaris hostia &c. O Crux Ave spes unica &c. Ad Ave maris stella &c. Ad Introitum Missae: Salve Sancta Parens &c. Et ad Offertorium: Ave Maria. Item quotiescumque a dicente Invitatorium Officii Beatae Mariae, pronunciat: Ave Maria, vel in Choro in Responsorio, & Antiphona, idque in Choro extra tempus Paschale, & dies Dominicos.

In fine Hymnorum ad Gloria Patri &c. Benedicamus Patrem, & Filium &c. Sit nomen Domini benedictum, surgant. Ad Confiteor similiter cum a Choro dicitur, & operato capite Chorus versus Chorum inclinatur mediocriter, ita sane, quod si extenderentur brachia extremitates digitorum possent attingere genua; hebdomadarius tamen recitabit Confiteor versus ad Altare.

Quotiescumque vero pronunciat tremendum, ac venerabile Nomen Jesu, fissent fratres, facient semigenusflexionem, si sedeant, aut genibus sint provoluti, caput operum inclinent. Ad nomen Beatae Mariae, necnon Beatorum Patrum nostrorum Antonii, & Augustini, ad nomen vero Sancti, cujus sit officium, prima vice, caput detestum inclinent, alias solum inclinent, quod Lector in Refectorio pariter servabit.

Hebdomadarius, & alii, ad quos pertinet, postquam intonaverint, aut benedictionem, absolutionem, lectionem, versiculos, capitulum, vel orationem dixerint similiter caput parum inclinent.

Sacrosanctum Eucharistiae Sacramentum venerentur omnes uniformiter humiliter, & devota genuflexione usque ad terram cum modica capitis, & corporis inclinatione quotiescumque ante ipsum transire contigerit.

Sacris Altaribus, Crucibus, ac piis Sanctorum Imaginibus debitam exhibeant reverentiam, mediocri inclinatione quoties gradientibus se in via directe offerunt.

Fiat, & apponatur tabula in loco apto, in qua singulis diebus Sabbati de prescripto Superioris designentur Altaris, & Chori ministri, prout officii solemnitas requisierit, aut fratrum numerus permiserit.

Ad tertiam pulsatur hora nona. Matutina diebus, quibus non jejunatur, cum vero jejunatur hora sexquiona, & ubique servetur ordo Missalis Romani de Missis Conventualibus post Tertiam, Sextam, & Nonam celebrandis.

Ultimum Vesperarum signum pulsatur secundum consuetudinem locorum.

Priores Praeceptoriarum, & Domorum moneant quam primum Superiorem.

C c c Gene.